

Proxecto de Orde do ## de ##### de 20## , pola que se establecen as disposicións relativas á levanza informática dos rexistros obrigatorios do sector vitivinícola mediante a aplicación informática CONVIT .

O Regulamento (UE) núm. 1308/2013, do Parlamento Europeo e do Consello, do 17 de decembro de 2013, polo que se crea a organización común de mercados dos produtos agrarios e polo que se derrogan os Regulamentos (CEE) núm. 922/72, (CEE) núm. 234/79, (CE) núm. 1037/2001 e (CE) núm. 1234/2007, establece no seu artigo 147 que as persoas físicas ou xurídicas ou as agrupacións de persoas que manexen produtos do sector vitivinícola, en particular os produtores, embotelladores, transformadores e comerciantes, terán a obriga de levar rexistros das entradas e saídas dos produtos vitivinícolas.

O desenvolvemento normativo desta obriga recóllese no Regulamento Delegado (UE) 2018/273 da Comisión, do 11 de decembro de 2017 polo que se completa o Regulamento (UE) núm. 1308/2013 do Parlamento Europeo e do Consello no que atinxe ao réxime de autorizacións para plantacións de vide, o rexistro vitícola, os documentos de acompañamento, a certificación, o rexistro de entradas e saídas, as declaracións e a publicación da información notificada e no Regulamento de Execución (UE) 2018/274 da Comisión, do 11 de decembro de 2017 polo que se establecen as normas de desenvolvemento do Regulamento (UE) núm. 1308/2013 do Parlamento Europeo e do Consello no que respecta ao réxime de autorizacións para plantacións de vide, a certificación, o rexistro de entradas e saídas, as declaracións obrigatorias e as notificacións. No artigo 13 do citado Regulamento (UE) 2018/274 establécense as modalidades que poden empregarse para os rexistros, sendo os rexistros electrónicos unha delas.

A Consellería do Medio Rural estableceu normas de aplicación relativas aos rexistros do sector vitivinícola mediante o Decreto 158/2011, do 21 de xullo, polo que se ditan normas de aplicación sobre os documentos que acompañan o transporte de produtos vitivinícolas, os rexistros e as declaracións de determinadas prácticas no sector vitivinícola na Comunidade Autónoma de Galicia. No artigo 18 deste Decreto recóllese que a dirección xeral competente en materia de calidade agroalimentaria establecerá unha aplicación informática de levanza dos rexistros vitivinícolas, que se facilitará aos operadores comerciais que queiran utilizala.

É preciso, polo tanto, desenvolver e implantar unha aplicación informática que facilite a levanza dixital dos rexistros vitivinícolas, coñecidos habitualmente como Libros Rexistro. Para elo a Consellería de Medio Rural desenrolou unha aplicación informática baixo a denominación Rexistro de Contabilidade Vitivinícola (CONVIT).

En consecuencia, de acordo co disposto no artigo 30.I.3 do Estatuto de Autonomía de Galicia e na disposición derradeira segunda do citado Decreto 158/2011, do 21 de xullo.

ACORDO:

Artigo 1. *Obxecto e ámbito de aplicación*

1. A presente Orde ten por obxecto:

a) Establecer, no ámbito da Comunidade Autónoma de Galicia, o procedemento para facilitar a levanza dos rexistros vitivinícolas ou Libros Rexistro mediante o programa informático Rexistro de contabilidade Vitivinícola, en adiante CONVIT. Mediante o dito programa os operadores poderán anotar, en particular, as entradas e saídas de cada produto, as manipulacións efectuadas sobre os mesmos e os produtos empregados nelas, todo iso de conformidade co disposto no Regulamento (UE) núm. 1308/2013, do Parlamento Europeo e do Consello, do 17 de decembro de 2013, polo que se crea a organización común de mercados dos produtos agrarios e polo que se derrogan os Regulamentos (CEE) núm. 922/72, (CEE) núm. 234/79, (CE) núm. 1037/2001 y (CE) núm. 1234/2007; e nos seus regulamentos de desenvolvemento -Regulamento Delegado (UE) núm. 2018/273 da Comisión, do 11 de decembro de 2017 e Regulamento de Execución (UE) núm. 2018/274 da Comisión, de 11 de decembro de 2017- así como no Decreto 158/2011, do 21 de xullo.

b) Determinar o procedemento de autorización dos operadores para a utilización do programa informático CONVIT, utilización que ten carácter voluntario.

2. Esta orde aplícase á contabilidade dos produtos do sector vitivinícola aos que fai referencia a Parte II do Anexo VII do Regulamento (UE) núm. 1308/2013, e aos produtos definidos como viños aromatizados no Regulamento (UE) núm. 251/2014 do Parlamento Europeo e do Consello de 26 de febreiro de 2014, sobre a definición, descrición, presentación, etiquetado e protección das indicacións xeográficas dos produtos vitivinícolas aromatizados, así como á sangría e á clarea, definidas na Orde do 23 de xaneiro de 1974 , pola que se regula a elaboración, circulación e comercio da sangría e doutras bebidas derivadas do viño (BOE do 7 de febreiro).

Exceptúase da súa aplicación o vinagre de viño, ao excluírse este produto na definición de “produtos vitivinícolas” que se recolle no artigo 2.1.b do Regulamento Delegado (UE) 2018/273, regulamento que regula os rexistros vitivinícolas.

Artigo 2. *Autoridade competente*

De acordo có que se establece no Decreto 158/2011, a autoridade competente no ámbito da Comunidade Autónoma de Galicia para supervisar a levanza dos rexistros ou Libros Rexistro é a dirección xeral da consellería competente en materia de agricultura que teña atribuídas as competencias relativas ao control oficial da calidade alimentaria.

Artigo 3. *Características e tipos de rexistros*

1. A contabilidade informática dos produtos vitivinícolas deberá levarse en rexistros diferentes para cada operador e instalación na que se encontren os produtos e con contas separadas para cada categoría destes, de acordo co establecido na normativa vixente, en particular co recollido no Capítulo III do Decreto 158/2011, do 21 de xullo.

2. Os libros rexistro dixitais recollerán os mesmos datos que constan nos modelos de Libros Rexistro do Anexo IV do Decreto 158/2011 do 21 de xullo, e cumpriran o establecido no Capítulo III “Rexistros de contabilidade vitivinícola” do dito decreto.

Artigo 4. *Peché anual das contas dos rexistros*

As contas dos rexistros pecharanse o 31 de xullo, coincidindo co peche da campaña de produción e o inventario anual de existencias.

Simultaneamente ao peche das contas de rexistro, realizarase o aforo das existencias reais. Si estas no coincidiran co resultado do balance anterior, farase un asiento de regularización.

A apertura das contas da seguinte campaña realizarase o 1 de agosto, anotando nas entradas as existencias reais de cada produto por tipo, graduación, variedade e cantos datos se desexa facer constar na súa designación e presentación.

Artigo 5. *Procedemento de autorización e revogación para a utilización dos rexistros informatizados*

1. Os operadores que desexen levar informaticamente os rexistros indicados nesta orde deberán solicitalo á autoridade competente conforme ao establecido no número 2 seguinte e ademais deberán cumprir as seguintes condicións:

a) Ser unha persoa física ou xurídica, ou unha agrupación de persoas que, no territorio da Comunidade Autónoma de Galicia, elaboren, embotellen, almacenen ou teñan no seu poder baixo calquera concepto, no exercicio da súa profesión ou con fins comerciais, un produto vitivinícola.

b) Dispor dun sistema informático adecuado para a levanza, e algún dos mecanismos de identificación e sinatura aceptados pola Sede electrónica da Xunta de Galicia (<https://sede.xunta.gal/a-sede/sistemas-de-identificacion-e-sinatura>).

c) Levar todos os rexistros mediante sistema informático. Non será posible levar uns rexistros mediante o sistema informático e outros rexistros en formato papel.

2. As persoas que desexen solicitar a autorización indicada no número anterior deberán presentar unha solicitude por cada instalación na que realicen a súa actividade, que se axustará ao contido do modelo que figura como anexo I desta orde. Dita solicitude dirixirase á persoa titular da Xefatura Territorial da Consellería do Medio Rural da provincia onde se sitúe a instalación para a que se solicita a levanza informática dos rexistros.

Na solicitude deberánse especificar os libros rexistro para os que se pide a autorización e os datos dos usuarios iniciais que accederán á aplicación CONVIT.

3. Corresponderá á xefatura territorial de cada provincia onde esté situada a instalación a autorización para a levanza informática, sendo o competente para resolver o Xefe Territorial da Consellería do Medio Rural.

4. A autorización concedida en virtude do presente artigo terá carácter indefinido, sen prexuízo do disposto no número seguinte.

5. Poderase revogar a autorización cando se comprobe o incumprimento das condicións que motivaron a súa concesión e das obrigas establecidas no seguinte artigo ou previa solicitude da persoa autorizada.

A revogación realizarase mediante resolución motivada da persoa titular da Xefatura Territorial competente en materia de agricultura que en cada momento teña atribuídas as competencias relativas ao control oficial da calidade agroalimentaria, logo da instrución do expediente que se tramitará de conformidade co procedemento administrativo común.

6. No caso de que un operador necesite que se lle proporcionen permisos de acceso a un novo usuario relacionado coa planta, ou ben se revogue o acceso a algún usuario autorizado previamente, terase que realizar a solicitude a través do contacto de soporte a usuarios dispoñible na propia aplicación CONVIT.

Artigo 6. Obrigas dos operadores autorizados

O operador, unha vez recibida a notificación da resolución de autorización para levar os rexistros mediante o sistema informático CONVIT, deberá realizar o peche dos rexistros en soporte papel, e comunicar ao servizo competente, no prazo dun mes dende o día seguinte á notificación da autorización, o peche destes rexistros e a apertura dos rexistros mediante sistema informático.

Como primeira anotación figurarán as existencias ao peche dos rexistros en papel, figurando todos os datos obrigatorios para cada rexistro, diferenciando tipos de produto, graduación, variedades e cantos datos se desexe facer constar na súa designación e presentación.

Disposición transitoria única.- Réxime de autorizacións previas

Os operadores que foran autorizados antes da entrada en vigor desta orde para a levanza informática do Libro Rexistro de Embotellados, terán un prazo de tres meses dende a súa entrada en vigor para solicitar ou ben a levanza informática dos libros rexistro ou ben a dilixencia do Libro de Embotellados en formato papel.

Unha vez transcorrido este prazo de tres meses perderán a vixencia as autorizacións concedidas con anterioridade á entrada en vigor desta orde.

Disposición derradeira Primeira. Instrucións para a aplicación desta orde.

Facultase á persoa titular da Dirección Xeral de Gandería, Agricultura e Industrias Agroalimentarias para aprobar as instrucións complementarias que resulten necesarias para o cumprimento e a correcta interpretación de canto se establece nesta orde.

Disposición derradeira Segunda. Entrada en vigor

Esta orde entrará en vigor aos 20 días naturais da súa publicación no *Diario Oficial de Galicia*.

ANEXO I

Solicitud de concesión da levanza informática de Libros Rexistro mediante aplicación CONVIT